



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XXXV. Gregorii Papae I. Ad Fortvnatvm Episcopvm Neapolitanvm.
De Iudaeis & Christiani mancipiis.

urn:nbn:de:hbz:466:1-15221

EPISTOLA XXXIV.

GREGORII PAPÆ I.

AD CONSTANTIVM EPISCOPVM MEDIOLANENSEM.

De Virgilio qui commendationis occasione
pecuniam mutuo accepit.*Gregorius Constantio episcopo Mediolanensi.*

QVAMVIS ita fraternitas vestra conuenienti sibi grauitate discreta sit, ut non admonita, sed ex se quid cui sit impendendum intelligat, verumtamen quia lator præsentium Ioannes vir memorandus, qui præfecturæ vices illic aetatus aduenit, nostra se petiit epistola commendiari, sanctitas ei vestra, dum necesse fuerit, salua ratione præsidium sui fauoris impendat, & ita eum sacerdotaliter suis studeat solatiis adiuuare, quatenus vobis præsentibus nec aliorum debeat iniuste oppressionibus laborare, nec ipse aliis contra rationem grauis existat. Quia vero peruenit ad nos, quod Virgilius, qui vices illic ante hunc præfecturæ gessit, per scriptorum nostrorum occasionem, quibus eum petitione eius compulsi commendauimus, mutuas a vobis, vt ita dicamus, pecunias exegisset, ægre si verum est sustinemus, vt hoc non ex se, sed quasi per nostram epistolam obtineret. Et ideo fraternitatem vestram scire necesse est, ita sibi a nobis eos qui hoc exigant commendari, vt eis adesse inquantum possibile & iustum est debeat, non tamen vt ecclesiæ suæ huius rei occasione aliquod grauamen imponat. Data mense Septembri, indictione secunda.

EPISTOLA XXXV.

GREGORII PAPÆ I.

AD FORTVNATVM EPISCOPVM NEAPOLITANVM.

De Iudæis & Christianis mancipiis.

Gregorius Fortunato episcopo Neapolitano.

COGNOSCENTES qualis fraternitatem vestram zelus pro Christianis mancipiis, quæ Iudæi de Galliarum finibus emunt, accenderit, adeo nobis solitudinem vestram placuisse signamus, vt inhibendos eos ab huiusmo-

di negotiatione nostra etiam deliberatio iudicaret. Sed Basilio Iudæo cum aliis Hebræis veniente comperimus, hanc illis a diuersis iudicibus reipublicæ emptionem iniungi, atque euenire vt inter paganos & Christiani pariter comparentur. Vnde necesse fuit ita causam cauta ordinatione disponi, vt nec mandantes frustrari, nec hi, qui contra voluntatem suam se inquiunt obedire, aliqua sustineant iniuste dispendia. Proinde fraternitas vestra hoc vigilanti sollicitudine obseruari ac custodiri prouideat, vt reuertentibus eis a præfata prouincia, Christiana mancipia, quæ ab ipsis adduci contigerit, aut mandatoribus contradantur, aut certe Christianis emporibus intra diem quadragesimum venumdentur. Et transacto hoc dierum numero, nullus apud eos quolibet modo remaneat. Si autem quædam ex eisdem mancipiis talem ægritudinem fortassis incurrerint, vt intra statutos dies vendi non valeant, adhibenda sollicitudo est, vt dum saluti fuerint pristinæ restituta, similiter modis omnibus distrahantur; quia res quæ culpa caret, ad damnum vocari non conuenit. Quoniam vero quotiens nouum quid statuitur, ita solet futuris formam imponere, vt multis dispendiis præterita non commendent; si qua apud eos mancipia de emptione anni præteriti remanserunt, vel a vobis nuper ablata sunt, dum apud vos sunt posita, ea habeant alienandi licentiam; ne detrimentum ante prohibitionem possint ignorantes incurrire, quod eos dignum est postmodum vetitos sustinere. Nuntiatum præterea nobis est, suprascriptum Basiliū filiis suis Deo propitio Christianis quædam mancipia ad hoc velle titulo donationis concedere, vt ei huius occasionis obtentu, domini solummodo nomine ablato, deseruant, & post hoc si ad ecclesiam confugiendum fore crediderint, vt fieri debeant Christiana, non in libertatem, sed eorum dominio quibus antea donata sunt vindicentur. In qua re fraternitatem vestram decenter conuenit vigilare. Et si qua filiis suis mancipia donare voluerit, vt cuncta fraudis tollatur occasio, fiant modis omnibus Christiana, & in domo eius non maneant, sed cum res exegerit, vt eorum debeat vti solatiis, hoc illi iubeatur impendere, quod etiam a suis filiis ei decet, & propter Deum conuenit exhiberi.

EPI-